

صفات عباد الرحمن | #الغرفة_الدعوية | د. حازم شومان

حازم شومان

السلام عليكم ورحمة الله وبركاته. اخواني واخواتي في الله هل تسمعون؟ طيب الحمد لله وكفى وصلاة وسلاما على عباده الذين اللهم لك الحمد كله ولك الملك كله وببيدك الخير كله. واليك يرجع الامر كله. اللهم صل على عبدك ونبيك محمد صلى الله عليه وسلم -

00:00:00

في الاولين والآخرين والملا الأعلى الى يوم الدين. اما بعد قال رسول الله صلى الله عليه وسلم سبق المفردون. سبق المفردون. مين المفرد يا جماعة؟ الذكرة يذكرون الله كثيرا والذكريات. يعني يعني ايه المفرد الذكر الله كثيرا والذكريات؟ عارفين انسان اللي اللي

افرض الله بالقصد. اللي افرض الله - 00:00:25

الوجهة اللي ما عدلوش غير وجهة واحدة. اللي ما عدش لحياته غير مقصد واحد. لما النبي عليه الصلاة والسلام قال ان الله وتر يحب

الوتر. بعض العلماء قال لك يعني ايه - 00:00:45

يحب الوتر قال لك يحب الوتر الفرض. يحب الانسان اللي افرض نفسه لله. يحب الانسان اللي افرض قلبه لله سبحانه وتعالى. يا جماعة عايزين افرض وجهة حياتنا الى الله سبحانه وتعالى عشان نوصل لربنا سبحانه وتعالى. عشان كده قال رسول الله صلى الله

عليه وسلم من لم ما ليس منا من لم يتغنّى - 00:00:55

بالقرآن ليس منا من لم يتغنّى بالقرآن. بعض العلماء قال لك لم يتغنّى اي لم يستغن بالقرآن عن غيره. عايزين نستغنّى بالقرآن عن اي حاجة. عايزين قلوبنا تعيش مع القرآن. عايزين قلوبنا تتضلع من نور القرآن. عايزين دما ولحمنا يمتزج بنور القرآن. عشان كده

هنعيش الليلة - 00:01:15

اخواني واخواتي مع ايات عباد الرحمن مع ايات عباد الرحمن عايزين نركز بقى رمضان لسة عليه حوالي ستة وتسعين يوم اقل من ميت يوم على رمضان ولازم ننتبه لازم ننتبه ان رمضان محتاج استعداد عملي. مش محتاج ان احنا نقعد نسمع بس دروس عن

رمضان. نحتاج استعداد عملي بالعلاقة بالقرآن - 00:01:35

يا دوبك ميت يوم تجهزي قلبك. يا دوبك ميت يوم تجهز قلبك. يا دوبك يا اخواننا نبدأ نرتبط بالقرآن شوية. الموضوع مش يوم واثنين وثلاثة. الموضوع عايز استمرارية عشان نقدر نوصل باذن الله سبحانه وتعالى. وعباد الرحمن الذين يمشون على الارض يمشون

على الارض. يمشون على الارض اخطر منهج تغيير - 00:01:55

في الحياة كلها. اخطر منهج تغيير. ان مش يبقى فيه داعية بيتكلم على منبر وميت الف واحد بيسمعه وفاتحين بقهم. وبعد كده

كل واحد منهم يروح ينام في بيته. او - 00:02:15

ويروح شغله وينسى الكلام اللي سمعه. لما الدين كل واحد منا وكل واحدة منا طول ما هو ماشي في الحياة قاعد ينشر الدعوة بتاعته معه. مش بينزل جولة في الاسبوع بس دور حياته جولة. تركب الميكروباص تتكلم عن ربنا مع اللي قاعدة جنبها. يروح الشغل

بتاعه يتكلم عن ربنا. تنزل دراستها تتكلم عن ربنا حياتنا - 00:02:25

كجولة كلها يمشون على الارض اخطر منهج تغيير. رغم ان ربنا ما قلش يسعون. ربنا قال يمشون. القضية مش قضية سرعة السير يا جماعة. القضية قضية احنا نمشي صح. قضية المشي صح. قضية ان كل ملتزم وملتزمة يقوم برسالته. يقوم بقضيته. يقوم بدوره في

نشر الدعوة طول ما هو عايش. طول ما الدين - 00:02:45

اصبح نمازج بتعبر عن الدين بتتحرك في المجتمع هيبقى اخطر منهج تغيير في الحياة اخطر منهج ان يتبنى النموذج ان يطلع الاخ

النموذج تطلع الاخت النموذج هو ده اخطر منهج تغييرى ازاى؟ النبي عليه الصلاة والسلام بنى النموذج فى مكة المكرمة اتناشر سنة وبعد كده بعثوا المدينة المنورة وقعد هو فى مكة - 00:03:05

كسنة لم يؤذن له بالهجرة. وبعد سنة راح لقي المدينة المنورة كلها بقت كأنها مهاجرين. ليه؟ لان بنى نموذج وباعته للمدينة. فكل الانصار شافوا الصوامين القوامين الذكارين البكائين اللي هم المهاجرين الانصار اتخرطوا دخلوا ان هو ده الدين. دخلوا ان ده الدين. عشان كده من التضحيات - 00:03:25

مهولة يعنى فى قصة اصحاب الاخدود ان المجتمع لاول مرة يختار انه يتحرق بالنار عشان الدين. احنا المجتمع بتاعنا لما حصل ازمة بنزين مفتعلة المجتمع معظمه انقلب على اى او كثير منه انقلب على اى فكرة دينية فى الحكم او فى الشريعة - 00:03:45

ليه؟ لان هو قال لك لا انا انا عايزين دين بس ما يضرش دنيتي. فى حين ان المجتمع مع غلام الاخدود اختار انه يولع بالنار. اختار انه يترمى فى النار - 00:04:05

ليه؟ لان غلام الاخدود ضحى بعمره عشان هذه الدعوة ودل الملك ازاى يقتله. فالناس لما لقت القدوة بتاعتهم القدوة بتاعتهم بيضحى بعمره عشان قالوا يبقى الدين ان انا اضحي بعمرى عشان. عشان كده هنلاقي فى اخر ايات عباد الرحمن. والذين يقولون ربنا هب لنا من ازواجنا وذرياتنا - 00:04:15

وسط اعين واجعلنا للمتقين اماما. خدي بالك خد بالك مش اجعلنا للمتقين دعاء. مش اجعلنا اجعلنا للمتقين اماما. ايه الفرق بين الامام داعية الداعية اللي بيوصل الدعوة وبعد كده انا ما لبش دعوة الناس قبلتها ولا لا؟ الناس طبقتها ولا لا؟ اللي بيوصل الدعوة بالاقوال هو الداعية. انما الامام اللي بيوصل - 00:04:35

للدعوة بالاعمال الداعية اللي ينزل من على المنبر يروح المستشفى دي يزور المرضى. ويطلع على الملجأ ده يزور الايتام وينزل يكلم الشباب فى الشوارع والقهاوي انزل يفوت على الاخوة اللي عندها مشاكل ويعكف على تربية الاخوة. هو ده الداعية الميداني والمربي الميداني الامام القدوة. ان الدين يبقى قدوة يا - 00:04:55

عملية ان ننقل الدين للناس بالاعمال وليس ننقل الدين للناس بالاقوال. عشان كده فى النهاية قالوا جعلنا للمتقين اماما. يبقى يمشون على الارض ده اخطر منهج فى الحياة لو الملتزمين والملتزمات اللي قاعدين على الفيس وعلى الدابس ماش وعالانستجرام وعلى اليوتيوب وعلى الواتس وعلى السكايب - 00:05:15

قال لو ولعبت بالجرام لو الملتزمين والملتزمات اللي قاعدين على كل السوشيال ميديا الوقتي كلهم اصبحوا بيتحركوا فى المجتمع ولكن بدين حقيقي قاعدين يعقوا زبهم زي الناس. مش قاعدين يعلقوا تعليقات زبهم زي الناس. لو بقى عندهم دين وبقوا نماذج حقيقية تعبر عن الدين. ونزلوا انتشروا الفيس - 00:05:35

والنت ده كله هيبقى جزيرة اسلامية فى خلال اسابيع قليلة. الواقع كله هيتغير ولكن لو احنا بقينا نموذج. عشان كده الحل ان انت تتربى الحل ان انت تتربي. اللي هتغير الواقع ده ان الملتزمين والملتزمات يبقوا نموذج. يبقوا نموذج لما يتحركوا فى الدنيا الكل ينهر. ويقول نفسنا نبقى - 00:05:55

زي دول وعباد الرحمن الذين يمشون على الارض يمشون على الارض اخطر منك تغيير. ويمشون على الارض اخطر منهج برضو تربوي. يعنى ايه يعنى ايه يمشون على الارض اخطر منك تربوي؟ يعنى اخطر تربية مش التربية اللي يتعزل فيها الاخ عن الحياة. مش التربية اللي الاخت تتحط فيها فى صومعة. التربية اللي الملتزمين - 00:06:15

بيعيش وسط الواقع وهم بيتربوا. طب الوقت يعيشوا وسط الواقع ازاى؟ ازاى؟ طب ما هم كده هيفتنوا بالواقع. لا. هم مش هيفتنوا لو طبقوا الكلام اللي احنا فيه ده اللي احنا بنقلوه. ازاى - 00:06:34

لو لاحطنا يا جماعة هنلاقي ان البيئة اللي عاش فيها عباد الرحمن افسد بيئة موجودة فى الحياة كلها. ربنا بيقول والذين لا يدعون مع الله الها اخر. يا ما شاء الله! يا ما شاء الله - 00:06:44

ما كانوش بيسجدوا للوسد. هو ده اصل انا ولا يزونا ولا يقتلون ولا يزنون. ولا يقتلون ما شاء الله ما كانوش بلطجية شالين مطاوي

اللي يضايقهم ويبقوموا غطينه هو ده سناء ولا يزنون ما شاء الله! ما كانوا بيزنوا هو ده سناء يا جماعة! هو ان انا اقول ان فلان ما بيزنيش ثناء! اه ثناء - [00:06:54](#)

لما يكون المجتمع كله بيزني. لما يكون المجتمع كله بلطجية بيقتلم. لما يكون المجتمع مليان وثنية. ساعتها يبقى عدم وقوعهم في الكبائر. لما يكون ماهر دي بقت حاجة عادية عند الناس. والعياذ بالله لساعتها الوقوع عدم الوقوع في الكبائر بقى. منقبة يبقى الناس دي عاشت في مجتمع مليان زنا. مليان بلطجة - [00:07:14](#)

مليان قتل مليان شرك. واذا خاطبهم الجاهلون. قالوا سلامة. مليان توك شو قعد يشتم فيهم ويشوه سمعتهم. ويشوه في صورتهم. ويشوه في صورتهم قدام الناس الناس دي يا جماعة والذين لا يشهدون الزور. الناس دي عاشت في مجتمعات مليانة زور. زور في شهادات المحاكم. زور في بيع الناس لضمائرهم. زور في اثار الناس - [00:07:34](#)

على الدين. زور في اعياد النصارى واليهود عادي ان يبقى عيد النصارى عيد رسمي بيتاخذ فيه اجازة رسمية في الدولة كلها. حتى المسلم ياخذ في في اجازة رسمية قال لها طب وهو ده هو التسامح ده دينا ان احنا نتسامح وان احنا يعني نسيب الاخرين يعبدوا ربنا سبحانه وتعالى. انما انا مش ديني - [00:07:54](#)

انما يعني يعني اشهد الزور مش دين ان انا اروح اشهد مع الزور وهو بيسجد لوسن اروح آآ اقول له انا هبارك لك على سجودك لوسن هو بيقول ان ربنا مات اروح اقول له وصحى في اليوم ده. اقول له انا جاي ابارك لك ان ربنا صحى بتاعك في اليوم ده. ده يا جماعة ده ده مش ده التسامح. ده ده التميع للدين. والذين لا يشهدون - [00:08:14](#)

الزور يبقى كانوا عايشين في مجتمع مليان زور. واذا مروا باللغو مروا كراما. كانوا عايشين في مجتمع مليان لغو. مليان ماتشات كورة وخلاص. ما احناش عارفين هي هي بتودي لفين - [00:08:34](#)

اللعيب بمليون جنيه والشاب ما هوش لاقى وظيفة بالف جنيه يشتغلها عشان ينفع يتجوز. ويلم ويستر واحدة وبينوا بيت وينشئوا اسرة. المجتمع مليان لغو حفلات اغاني مليان آآ مواقع اباحية مليان آآ لغو ومليان تضییع وقت ومليان حق ومليان تضییع اعمار - [00:08:44](#)

يبقى الناس دي عاشت في مجتمعات يا جماعة مليانة مشاكل. الناس دي عاشت في مجتمعات مليانة معاصي. مليانة شهوات. مليانة شبهات. مليانة علمانية. مليانة بعد عن دين الله سبحانه وتعالى - [00:09:04](#)

فلو محدد شرع الله. وفي نفس الوقت المفاجأة الثانية والذين يقولون ربنا هب لنا من ازواجنا وذرياتنا. ايه؟ هو عباد الرحمن كانوا متجوزين ومخلفين؟ هو عباد الرحمن الرحمن كانوا كان عندهم بيت ومراته تقول له فسحني واكلني وشربني ولبسني وتعال معي. وولاده يقولوا له عايزين يا ابتغرضينا وتخرجنا - [00:09:14](#)

هو يا جماعة كانوا متجوزين ومخلفين كمان عايشين في مجتمع بالفساد ده. وكمان متجوزين ومخلفين. طب ايه رأيكم ان في مفسرين قالوا الذين يمشون على الارض اي يسعون في طلب ارزاقهم. يمشون في طلب ارزاقهم. يعني كانوا بيشتغل يعني كان عندهم شغل من تمانية لاتنين وكانوا بيروحوا يعضم وكانوا بيشتغلوا شغل - [00:09:34](#)

كمان عشان يجيبوا ارزاقهم! ايه ده يا جماعة! يبقى الناس دي عاشت في مجتمع مليان فساد وضلال. والناس دي كانت متجوزة ومخلقة وشغالة في الدنيا. ووصلوا اعلى الفردوس الاعلى. ووصلوا لقمة الدين ووصلوا ان ربنا اعتبرهم نموذج العالم كله مطلوب انه يتخرط عليهم. وربنا اعتبرهم قدوة وائمة للعالم - [00:09:54](#)

الدنيا كلها ازاى؟ ركز معي بقى وعباد الرحمن الذين مش الذي جمع الذين يمشون جمع واذا خاطبهم الجاهلون قالوا جمع مش مفرد مش قال والذين يبيتون مش والذي يبيت جمع والذين يقولون ربنا اصرف عنا عذاب جهنم مش مش ربنا اصرف عني - [00:10:14](#)

والذين اذا انفقوا جمع والذين لا يشهدون الزور جمع والذين يقولون ربنا هب لنا من ازواجنا وذرياتنا قرة اعين جمع. يبقى ازا يا جماعة كل الالفاظ بتاعتهم جت بضمير يا جماعة ليه؟ لان هم كانوا عايشين مع بعض. يبقى بيئة الايمان هي الحل ان انت ما تنجرفيش في الواقع ده. يبقى الصحبة الصالحة وبيئة الايمان والترابط مع بعض - [00:10:34](#)

الترايط والتواصل وان الملتزمين يبقوا بيئة ايمان مترابطة مع بعضها. هو الحل ان احنا ما ننجرفش تحت ضغط موج الواقع. وضوح الدنيا ما ليه فيه ملتزمين كثير مش ملتزمين كثير ليه تسعة وتسعين في المية من الملتزمين والملتزمات اتجرفوا بعد الجواز اتجرفوا بعد الخلف اتجرفوا بعد ما دخلوا الجيش - [00:10:57](#)

بعد ما اتخرجوا من الكلية بتاعتهم. اتجرفوا بعد ما اتجوزوا وراحوا سكنوا في منطقة تانية. اتجرفم بعد ما سافروا عقد عمل. عارفين ليه؟ لانهم انعزلوا عن الامام لان الدنيا جرفتهم بعيد عن بقية الايمان. يبقى اللي مش هيتحصن بيت الايمان انا عايز اقول لكم حتى اللي شغال في الدعوة. حتى اللي شغال في ثغر من سهور الدين. حتى - [00:11:17](#)

شغال في موقع زي موقع الطريق الى الله اللي احنا بنبت منه شغال في اي ملف من الملفات بتاعة الموقع وما عندوش بيئة ايمان وما هوش بيتربى في بيئة ايمان وما عندوش - [00:11:37](#)

اخوة بيعيش الاخوة معهم وما عندهاش اخوات بتعيش الاخوة معهم هيتجرفوا برضه. هيتجرفوا وهيسيوا السفر بتاعهم في يوم من الايام. لازم بيئة الايمان يا جماعة لازم بيئة الايمان اللي النبي عليه الصلاة والسلام بناها للصحابة. المرة الوحيدة اللي جه فيها ضمير المفرد في القصة هي فين يا جماعة؟ في قول الله سبحانه وتعالى - [00:11:47](#)

ومن يفعل ذلك والذين لا يدعون مع الله الها اخر ولا يقتلون النفس التي حرم الله الا بالحق ولا يزنون. لحد دلوقتي كل جماعة اهو ما بيزنوش ومن افعل ذلك يلقي اثمه. يضاعف له العذاب يوم العذاب يوم القيامة ويخرج فيهم وانا. يبقى مع الوقوع في المعصية جيل مفرد. عارفين ليه؟ لانهم ما وقعوش غير لما - [00:12:07](#)

عن اخوانهم. ما وقعوش غير لما مشاغل الدنيا. غير لما فترة الامتحانات. بعدتها او بعدته عن اخوانه. غير لما فترة الانشغالات الدنيوية. غير لما عشان عقد عمل بعدت عن اخوانه او بعدت عن اخوانه غير لما بعدوا عن بيئة الايمان تحت اي ضغط دنيوي. يا جماعة احنا لو تعزرننا بالضغط - [00:12:27](#)

واصلة انا عندي زروف الفترة دي واصل انا عندي مشاغل الفترة دي. لو تعزرننا بالزروف ديت في البعد عن بقية الايمان. عمرنا ما هيسلم لنا ديننا. عارفين ليه؟ لان الحياة كلها زروف - [00:12:47](#)

الحياة كلها كده. هي دي الدنيا. لقد خلقنا الانسان في كبد. من مشكلة لمشكلة. من ضغط لضغط. من مشكلة مع مراته. لمشكلة في الشغل. لمشكلة مادية. لمشكلة مع صاحب صاحبه لمشكلة نفسية لازمة اجتماعية لمشكلة عنده في العيلة هي الدنيا كلها كده. الدنيا كلها مشاكل. فلو كل مشكلة جرفتك وجرفتك عن بيتك - [00:12:57](#)

الايمان عمر دينك ما هيسلم. عشان كده امتى جه ضمير الفرض في آيات عباد الرحمن؟ مع وقوعهم في المعصية. لانهم ما وقعوش غير لما فصلوا وعباد الرحمن الذين يمشون على الارض هونا. هونا انك انت تستهين بالدنيا. ان انت تستهيني بالدنيا - [00:13:17](#)

يعني وانا رايح المطار اركب من الطائرة من المطار آآ تشوف بقى الابراج بتاع طريق المطار والشركات الفخمة وتبقى بقى ايه الدنيا جميلة وطبعا بقى من انصف حتت مصر كلها. الحطة بتاعة المطار لان بينزل منها بقى الرؤساء وبينزل منها. وبعد كده تقوم تروح تركب الطائرة. اول ما الطائرة تطلع بس في وشها - [00:13:37](#)

شوية تبص على القاهرة من شبك الطائرة تلاقي كل الابراج اللي كانت مبهرة ديت شوية نمل. حاجة ما تساويش. عشان كده الانسان اللي هيعلى هو اللي هيضحي بالدنيا. ليه لانه هيشف الدنيا من فوق. اللي شايف الدنيا من تحت شايفة عظيمة. انما اللي شايفة الدنيا من فوق هي عشان كده الذين يمشون على على الاستعلاء اي - [00:13:57](#)

بقوا في السما. قلوبهم في السما ايمانياتهم في السما اهدافهم في السما. مشاعرهم في السما طموحاتهم في السما اهداف علوية. طموحات علوية زي ما ربنا سبحانه وتعالى قال ومن يطع الله والرسول فاولئك مع الذين انعم الله عليهم من النبيين والصديقين والشهداء والصالحين. من اجمل التعبيرات اللي سمعتها من اخ - [00:14:17](#)

من اخواني في الاية دية قال هذه هي الصحة العلوية. ومن اراد صحة علوية في الآخرة فليزلم صحة علوية في دنيا اللي عايز صحة الصادقين في الآخرة يصحب الصادقين في الدنيا هي دي الطريقة يا جماعة. فلما جه حرف على لما علم جه على الارض ايه؟

هون - 00:14:39

هانت عليهم الدنيا. زي اللي طلح في طيارة بص لقي الدنيا صغيرة. لما علو هانت عليهم الدنيا. هانت عليهم نفوسهم. هانت عليهم انهم يتكسروا لاخوانهم. انهم لما اشتغلوا مع اخوانهم في فريق يتكسروا ليه اخوانهم اللي اكبر منهم في الفريق ده؟ انهم يتكسروا

لشيوخهم ان هم يا عم ايه يعني واحد اعتدى علي ايه يعني واحدة كانت - 00:14:59

حقي ايه يعني وقت النومه عاليين يا جماعة؟ عاليين عشان كده استهانوا بالدنيا. عشان كده استهانوا بالدنيا جت ولا راحت؟ عشان كده استهانوا بالدنيا اقبلت ولا فالدنيا اذا برت ادبرت. واذا يعني كست او كست. الدنيا يا جماعة الدنيا دي كارسة. الدنيا دي ملعونة ملعون ما فيها - 00:15:19

وعباد الرحمن يعني عباد الرحمن دي كلمة عالية قوي ان ربنا ينسبهم لنفسه. حاجة عالية قوي ان ربنا ينسبك لنفسه. ان انتم عارفين لما رجل اعمال يقول مسلا فلان من رجالي. ايه ده! يبقى الرجل بيتشرف قدام الدنيا كلها. ولله المثل الاعلى. اما ربنا يقول دول

عبادي انا. لما ربنا ينسبهم لنفسه وينسبهم لنفسه بصفة - 00:15:39

رحمة. يعني هغمرهم بالرحمات بسبب الاعمال اللي هم عملوها عشانى. هملى حياتهم رحمات. وعباد الرحمن الذين يمشون على الارض هونا. واذا الجاهلون قالوا سلاما. اه. خاطبهم الجاهلون يعني بدأت برامج التوك شو تشتم فيهم. خاطبهم الجاهلون يعني بدأت

مقالات العلمانيين تشتم فيهم في الجرايد. خطبهم - 00:15:59

يعني بدأوا يتحابوا في المجتمع. امتى بدأوا يتحاربوا لما حصل يمشون على الارض؟ لما بدأوا يتحركوا في الدعوة الى الله. لما بدأوا يتحركوا من اجل تغيير الواقع. عمر اوتل ما هيصطدم بك الا لو اشتغلت في الدعوة الى الله. عمر الباطل ما هيصطدم بك الا لو

اشتغلت في الدعوة الى الله. بعض الاخوة يقولوا الحمد لله انا عمر اهل الباطل ما اتعرضوا لي. قلت - 00:16:19

ده انت انك تقابل ربنا والسي في بتاعك. ليس فيه انك اذيت من اهل الباطل معناه انك ما كنتش على الطريق اصلا. معناها ان انت بعض الاخوة بيعتبر ان ربنا حفز ربنا ان عمر ما الباطل قرب منه ولا حد من اهل الباطل تعرض له باي صورة. قلت لهم يا جماعة السي

في اللي - 00:16:39

من ان اهل الباطل اذك معناه ان انت اصلا ما مشيتش على طريق صلاح الحق والباطل. يبقى امتى خاطبهم الجاهلون؟ امتى اهل العلمانيين اتعرضوا امتى لما بدأوا يتحركوا في الدعوة الى الله؟ يبقى هتتحركي هيبداً يحصل خطابة والجاهل. طب قالوا سلاما ليه؟

لان ما عندهم وقت. عارفين قيمة عمرهم - 00:16:59

يا شباب اعرفوا قيمة عمركم. يا ريتني وانا قدكم حد عرفني قيمة عمري. يا ريتني انا دلوقتي عندي اربعين سنة وانا عندي عشرين سنة ما كنتش عارف قيمة الايام. ما كنتش عارف قيمة الليالي. كان ممكن تروح مني ليالي لان انا مكتئب مش عارف اعمل ايه. اجمع

ازاي ما بين العبادة - 00:17:19

وبين العلم مسلا يعني. فالمشكلة دي بقى تعباني نفسيا اوي. يا عم ما تقوم تصلي وتبكي من عين ربنا. وقل يا رب اصلح لي شأني كله.

وممكن ليالي اسهر طول الليل - 00:17:36

اجادل بعض اخواني مسلا في حكم فقهي في مسألة في الواقع يا ابني شف مصلحتك احرص على ما ينفعك. ضيعنا ايام كتير قوي يا جماعة وضيعنا فرص كتير. ودلوقتي والواحد يعني وصل لقمة الجبل بتاع حياته وبدأ ينزل من الناحية الثانية. خلاص بقى يعني كل

ما قبل الاربعين انت - 00:17:46

الدنيا مقبلة عليك. كل ما بعد الاربعين خلاص الدنيا بدأت تدبر عنك. انت خلاص بقيت بتقرب بقى من النهاية بتاعة الدنيا بتاعتك.

فاحساس صعب اوي يا جماعة. احساس صعب ان انت اغلى ايام حياتك راحت منك. اعرفوا قيمة عمركم. قالوا سلاما. بيوفروا

عمرهم - 00:18:06

طيب والذين يبيتون لربهم سجدا وقياما. الله اكبر! الله اكبر! يبقى الاية الاولانية يمشون على الارض هونا! ده وصف النهار بتاعهم وهم شغالين في الدعوة الى الله طول اليوم. والذين يبيتون لربهم سجادا وقياما. ده وصف الليل بتاعهم. وهم بين ايدين ربنا. احيانا

اللي بيشتغل في الدعوة الى الله - 00:18:23

اه ما بيقومش الليل. ليه؟ خلاص انا تعبان طول اليوم في الدعوة بقى مش قادر. انما الناس دي يا جماعة جمعت عزيمة رهيبة. ما بين الصلاح وما بين الاصلاح. ما بين الدعوة الى الله - 00:18:43

وما بين قيام الليل ما بين الدعوة وما بين العبادة. الناس دي جمعت الاثنين دول مع بعض. الناس دي كان عندها عزيمة كبيرة. طب ليه ربنا ذكر النهار قبل الليل - 00:18:53

ذكر جدوهم في الدعوة قبل جدوم في العبادة ليه لان الليل ده ثمرة النهار بتاعك. يعني ايه؟ يعني لو انت عايز ربنا يرزقك قيام الليل ما تعصيش ربنا بالنهار. لو انت عايزة ربنا يرزقك قيام الليل صلحي حالك بينك - 00:19:03

ربنا بالنهار لان قيام الليل اصطفاء. على حسب حالك بالنهار على حسب اصطفاء ربنا لك. لقيام الليل قيام الليل ده عامل زي رئيس جمهورية نازل بلد بيطلب ان الناس اللي تكون في استقباله يكون اكتر ناس بيحبهم في البلد دي. فربنا هيتنزل للارض في التلت

الاخير من الليل. فربنا سبحانه وتعالى بيقيم بين ايديه - 00:19:16

اكتر ناس بيحبوهم واكتر ناس بيختارهم سبحانه وتعالى. والذين يبيتون لربهم سجدا وقياما. يبيتون بهم عشانك يا رب. عشاني عشانك يا رب. عشان ترضى يا رب. لربهم لاجل ربهم. عارفين لما حد يقول لحد عشانك عملت كذا. يبيتون يبيتون - 00:19:36

المفروض ينامون معناها النوم لأ ده هم راحتهم في القيام راحتهم في الوقوف بين ايدين ربنا. قلوبهم مخطوفة للوقوف بين ايدين ربنا. والله يا اخواني واخواتنا كنا في عمرة التربية - 00:19:56

الايام اللي فاتت ديت كان ممكن ننام الساعة واحدة واثنين. وكلنا نصحى الساعة ثلاثة. قبل الفجر بتلات ساعات. طب ازاى؟ يعني كنت لسه واقف مع بعض اخواني النهاردة الاوبرا. باقول لهم سبحان الله العظيم! يعني يعني طب ازاى؟ يعني طول اليوم بفضل منة

الله شغالين وبفضل منة الله في اعمال عمرة التربية. ونيجي نام الساعة واحدة - 00:20:06

نصحى الكل يصحى ثلاثة. اللي مش ملتزمين والملتزمين والرجالة والستات وكله يجري على الحرم. فضل منة الله سبحانه وتعالى يبقى بنجري سابق بعض. قال لها طب ازاى يا جماعة لو ربنا كذف في قلوبنا الهداية هيعيننا والله يا اخوانا هي صدق نية مع الله.

والذين يبيتون لربهم قلوبهم بقت الراحة بتاعتهم - 00:20:28

ما هي الصلاة؟ قلوبهم كأن الصلاة بقت مقام النوم عندهم. زي ما الناس بتنام كثير وهم بيصلوا كثير. زي ما الناس يبيقوا تعبانين فيناموا دول لما بيتعبوا بيصلوا زي ما الناس النوم بيريحهم دول الصلاة بتريحهم. زي ما الناس بيصحوا بعد النوم نشطاء. دول

بيخرجوا من الصلاة من بين ايدين ربنا نشطاء. منطلقين العزيمة - 00:20:48

جددت في حياتهم سجدا وقياما. السجود قبل القيام ليه يا رب؟ رغم ان في الصلاة قيام قبل السجود. لان السجود ده محل الافتقار. والقيام محل المجاهد هدى. فالافتقار الاول ما وصلوش غير بالافتقار. ما وصلوش للمقامات دي غير بالتوسل الى الله. ما وصلوش

غير بكلمة يا رب. يا جماعة عيطوا لربنا - 00:21:08

سياسة عيط. لسه النهاردة بكلم احد اخواني اللي اعزاء على قلبي قوي. فبقول له يعني كنت بكلمه من فترة عن سياسة عيط. عيطو لربنا اي حاجة تحصل لكم عيطوا. عيطوا ربنا اول ما بيعيط. البيت كله بيتقلب. البيت كله بيتقلب ليه؟ لا عيط. هنعمل ايه؟ لا احنا

عارفين هو عيط لان عنده مغص ولا عيط - 00:21:28

لان هو عنده لوز ولا عيط لانه جعان ولا عيط لان نملة قرصته ولا اعيط لانه ما حدش عارف يعيط ليه. وبتبقى غرفة طوارئ عيط عيط دي قلب الدنيا. عيطي لربنا. لما تحصل عندك مشكلة عيط. لما نقوم بعد لما تقومي بعد الجلسة التربوية القرآنية - 00:21:48

بيننا وبين بعض ديت تقوم تصلي بايات عباد الرحمن اقف عيط قل له يا رب اصلح لي حالي. يا رب سهل لي اموري يا رب اجمع لي امري يا رب زكيني نفسي يا رب طهر لي قلبي. يا رب خلي الفترة اللي جاية لرمضان ديت كلها نور على نور وايمان على ايمان -

00:22:08

خلي رمضان القادم خير رمضان مر علي في حياتي. قولوا يا رب يا جماعة عيطوا. فبكلم احد اخواني النهاردة في مسألة يعني

المشاغل قال هو فين سياسة تعيط بقى يعني سبحان الله العظيم فعلا يا جماعة فين سياسة ان احنا نعطى لربنا - 00:22:28
والذين يقولون ربنا اصرف عنا عذاب جهنم. سبحان الله هي بتقول ارميهم سجدا شوفوا في الاول وصفهم بالسجود قاعدين ينزلوا
ينزلوا في الاخر اولئك يزون الغرفة اعلى حاجة في الجنة. كل ما هتنزله لربنا وتتكسر لربنا اكثر. كل ما هتنكسر لله كل ما الله -

00:22:45

كل ما هتنكسر للملك كل ما مالك الملك هيرفعنا. والذين يقولون ربنا اصرف عنا عذاب جهنم. ايه؟ بعديها قولوا لربهم سجودا وقيام
مش ربنا يبرزنا الفردوس الاعلى. من اعجب الحاجات يا جماعة ان هم يعني بعد كل العبادة دي ليل نهار عبادة. يا جماعة الناس دي
مواصلة الليل - 00:23:05

في العبادة بعد كل العبادة ديت ربنا اصرف عنا عذاب جهنم. بعد كل العبادة داهية خايفين من جهنم. ياه! شوفوا الترابط الخطير ما
بين الايات. القرآن معجزة يا جماعة. ما فيش اية بعد اية ولا اية قبل اية. الا وفي سر وفي ترابط. ركزوا يا جماعة انا بحاول اربط لكم

- 00:23:25

ما بين كل كلمة والثانية ما بين حرف على وما بين هونا لما عيوا استهانوا بكل حاجة. واذا خاطبهم الجاهلون جت بعد يمشون على
الارض. لما اتحركوا بهم ويبيتون لربهم الليل جه بعد النهار ليه؟ ويقولون ربنا اصرف عنا عذاب جهنم بعد العبادة دي كلها خايفين من
ربنا؟ اه. الانسان - 00:23:45

كل ما يعلى كل ما بيشفو اكثر. كل ما بيشفو الدنيا تحته اكثر فبيخاف من ربنا اكثر. طب ربنا اصرف عنا عذاب جهنم عنا. لا اصرف عنا.
طب تقديم كلمة ديت ليه؟ تقديم الاعانة ليه؟ تفيد الاختصاص يعني ايه؟ يعني كاني لو ما فيش غير واحد بس اللي هيدخل جهنم
في الدنيا كلها يبقى هو. يبقى اتهام النفس - 00:24:05

متهمين نفسهم زي محمد ابن واسع رحمه الله. لما كان يقول لو مات محمد ابن واسع لاستراح الناس. لما غلط الاسعار فقال ان ده
بسببي. لو مات محمد ابن واسع لاستراح الناس - 00:24:25

امن نفسه يا جماعة. تامن نفسك دي قمة اليقظة. اتهم النفس قمة النفس. وربنا اصرف عنا ان هو مشغول بدعوة الناس. هو مش
مشغول عن نفسه. اصرف عنا يعني اهم واحد عنده ينجو من - 00:24:35

النار نفسه ما يضيعش نفسه عشان الناس تنجو من النار. ما يقاش داعية يميع الدين يميع الدين ويغير شرائع الدين. ويخبي جزء
عشان الناس تتوب رغم ان هو كده بيخبي جزء من الدين. ممكن يعرض نفسه لعقوبة من ربنا سبحانه وتعالى. ربنا يعفو عنا جميعا.
يبقى لازم اكثر واحد - 00:24:45

خايف عليه من النار هو انت لازم اكثر واحدة تخافي عليا من النار هو انت ربنا اصرف عنا اصرف ده كأن جهنم دي وحش ومقبل
عليهم يبقى مستشعرين مدى من جهنم والعياذ بالله. احنا خايفين من النار يا جماعة. احنا بنبكي في ايات النار يا جماعة. احنا بنبكي
في ايات النار. ولما سمعنا نافذة على دار الجحيم الدرسين اللي كانوا في - 00:25:05

الشرعية الاسبوعين اللي فاتوا دول قلوبنا اتأسرت يا جماعة ولا بنسمع عن النار عادي. يعني الكلام ده مش لنا الكلام ده للوحشين انما
احنا مش وحشين. هل يا جماعة احنا متأسرين فعلا؟ ولا - 00:25:25

الذين يقولون ربنا اصرف عنا عذاب جهنم ان عذابها كان غراما غراما فادحا مستمرا والعياذ بالله مش غرامة خمسميت جنيه في
حملة آرادار ان عذابها كان غرام غرام مستمر والعياذ بالله. انها ساءت مستقرة - 00:25:35

ومقاومة. ايه الفرق بين المستقر والمقام؟ واحد مسلا رايح يتفسح في اسكندرية فنزل فندق فيقول للفندق مسلا انا عايز اقامة ثلاث
تيام. يبقى الاقامة ممكن تبقى يوم اتنين ثلاثة مش شرط تبقى دايما انما الاستقرار ما يقولكش انا استقرت في الفندق ثلاث ايام. لأ
يقول لك اقمتم. يبقى الاستقرار ده اللي هو مدى الحياة. يبقى ساءت - 00:25:55

مقرا ومقاما مستقرا اهل الخلود في النار والعياذ بالله. اللي هيقد في النار. ومقاما اللي هيدخل حته ويخرج. اللي هياخذ لسعة
ويخرج. اللي هياخذ شوية ويخرج. يعني يا رب احنا لا نستحمل ان احنا نمكث فيها ولا نستحمل لسعة من لسعتها يا رب. ولا نستحمل

لحظة من لحظاتها يا رب. احنا مش عايزين النار تمسنا خالص - 00:26:15

مش عايزين النار تبقى سنة خالص يا رب. ربنا ينجينا من النار يا رب. ربنا ينجينا من مس سقر. ربنا ينجينا من النار يا رب. اللهم امين.

حاجة مرعبة يا جماعة - 00:26:35

يعني النار فيه نوعين من انواع العذاب فيها. العذاب الدائم والعذاب الايه مؤقت. يعني في ناس بتدخل النار آ ساعة ساعتين ثلاثة يوم اتنين يعني يا جماعة ربنا يعفو عنا. يعني لو الابواب السبعة بتاعة جهنم كل باب اتكتب عليه لسته باسماء المعاصي اللي بتدخل

من الباب ده. وانت - 00:26:45

عديتي على السبع لست بتوع السبع ابواب من جهنم. وقرأت اسماء المعاصي كلها. ما انتاش هتلاقي معصية من المعاصي المكتوبة

اللي انت عملتها. يا جماعة اتقوا ربنا. يا جماعة نتوب - 00:27:05

لربنا يا جماعة نصلح بينا وبين ربنا انها سأت مستقرا ومقاما لا نستحمل المقام فيها. الاستقرار فيها ولا نستحمل لسعة واحدة من لسعتها والذين اذا انفقوا لم يسرفوا ولم يقتروا وكان بين ذلك قوامة من اعجب مواطن التدبر او الترابط في قرآننا يا جماعة ان

ييجي الانفاق بعد - 00:27:15

جهنم ان ييجي انسان متوازن في علاقته بالدنيا بعد جهنم. المفروض اللي خايف من جهنم الخوف ده ما هواش خالص بيفكر في الدنيا يعني يعني كثير من الملتزمين اللي بيبقوا مرتبطين بالآخرة تلاقيه في الدنيا بقى يقول لك يا عم ده ادروش وساب الدنيا. ما

تفكرش فيها ان انسان ارتباطه بالآخرة بالمنظر - 00:27:35

وتوازنه في الدنيا بالمنزر ده. الله اكبر! الله اكبر! هو ده القرآن بقى! اللي بيزرع فينا هم الآخرة وفي نفس الوقت صناعة الحياة في الدنيا. القرآن والحياة القرآن وصناعة الحياة. والذين اذا انفقوا لم يسرفوا ولم يقتلوا متوازنين. متوازنين وكان بين ذلك قواما. قمة

التوازن اللي في الدنيا - 00:27:55

بعد كده وده من عجائب الترابط في الايات. والذين لا يدعون مع الله الها اخر ولا يقتلون النفس التي حرم الله الا بالحق. ولا يزنون ومن يفعل ذلك يلقى اذاما يضاعف له العذاب يوم القيامة ويخلط فيه مهانا. الا من تاب. يا رب يا رب اللي زنا وتاب تحطه -

00:28:15

مستعبد الرحمن يا رب. وسط الاطهار اللي وصلوا الليل بالنهار في العبادة والدعوة يا رب. يا رب الناس العظيمة ده ايه؟ الناس العالية

قوي دهي الناس اللي هتسكن الفردوس الاعلى في الآخرة دهيت - 00:28:35

يا رب تحط وسطهم اللي زنا وتاب. اللي قتل وتاب. اللي سجد لوسن وتاب. يا رب ازاى يا رب دول يتحطوا وسط دول؟ اه يبقى ده له الحنانين في غاية الخطورة. المعنى الاولاني يكل العصاة. يا اللي عملت كل الكبائر اللي في الدنيا. يا اللي وقعت في كل المعاصي اللي

في الدنيا. لسه قدام - 00:28:45

فرصة انك تنضم لرب عباد الرحمن. لسه قدامك فرصة انك تنضمي للركب الطاهر ده. وانك انت تبقي معه في الفردوس الاعلى. لسه قدامكم فرصة. مهما عصيتوا ربنا مهما وقعنا في المعاصي ربنا لسه فاتح لنا الباب للفردوس الاعلى. مش بس للتوبة. مش بس لمجرد

التوبة - 00:29:05

يعني يا جماعة يعني يعني ايه العرض الكريم ده ربنا يقول يبذل الله سيئاتهم حسنات. يعني لو مليار سيئة يبقوا مليار حسنة في لحظة واحدة. وبسبب وبتسبق كل اللي سبقوك في الطاعة. لانك انت عامل سيئات ايه لما اتقلبت حسنات بقت بمليارات الحسنات. ايه

يا اخوانا ده! وتخلوا بقى كمان يعني - 00:29:24

يعني تخلوا يا اخوانا الامر العظيم ده. يعني تخلوا ازاى يا رب الناس اللي زنت تتحط مع عباد الرحمن بعد ما تابت؟ يبقى برضه المعنى تاني ان بلاش تصور مسالي عن الالتزام. بلاش تصور واهم عن الالتزام. عارفين مشكلتنا ايه؟ من مشاكلنا ان احنا خدنا عن

الصحابة صورة ان هم - 00:29:44

كانوا بشر يا جماعة. ان احنا خدنا عن الالتزام صورة ان الالتزام ده الا نعصي الله. فاول ما الاخ او الاخت بتعصي ربنا يقوم محبط

وسايب الالتزام ويقول انا منافق وانا اشتغل في الدعوة ازاي وانا منافق وانا حاسس ان انا ربنا يعزبني والعياذ بالله. يبقى اذا ان احنا نتعلم الواقعية في الدين. يعني ايه - [00:30:04](#)

يعني المفروض ان احنا ما نفعش يا جماعة. ما نفعش. ولكن افرض وقعت قم. عباد الرحمن اهو في وسطهم اتحط اللي وقعوا وقاموا. يبقى معناها ان الانسان مهما وقع وقام يقدر لسه ينافس على الفردوس الاعلى. يعني ما فيش آآ تصور مثالي الالتزام. يضاعف له العذاب يوم - [00:30:24](#)

القيامة ويخلد فيه مهانا والعياذ بالله. الا من تاب وامن وعمل عملا صالحا. فاولئك يبذل الله سيئاتهم حسنات. الا من تاب لا للاحباط تاب يعني ما احبطش. مش لما وقعت بقى انا ضايعة. انا عارفة ان انا وحشة. انا عارفة ان انا مش متدينة. انا عارفة انها منافقة. يا بنتي ليه؟ يا ابني قم - [00:30:44](#)

عدم الاحباط المرونة النفسية السهولة النفسية يا جماعة. ان الانسان ما يبقاش انسان احباطي. لو وقعت قومي. لو وقعت قوم. وكملاوا الطريق وامن اه طب ليه امن جاب بعد تاب؟ لانه عالج المرض ما عالجش العرض؟ يعني ممكن واحد راح لدكتور قال له يا دكتور انا سخن يقوم كاتب له دوا خافض للحرارة وعنده - [00:31:04](#)

مسكن ودكتور انا عندي كحة اه واحد مهدئ للسعال. ويا دكتور انا ايه يا ابني في ايه؟ يا عم كل ده بسبب ان عنده بكتيريا عاملة له ادي له مضاد حيوي تضرب المرض كل الاعراض تروح. يبقى دول عرفم ان سبب المعاصي هو نزول الايمان. فبعد ما تابوا بدأوا يركزوا على تحصيل - [00:31:24](#)

على بعد جهد وتحصيل الايمان. جهد زيادة الايمان في القلب. ايمان بيزيد بالقرآن بيزيد بحضور الدروس. بيزيد ببيئة الايمان. بيزيد بالاستغفار. اه يبقى يبقى ايه زيادة الايمان الا من تاب وامن وعمل عملا صالحا. عمل عملا هنا لها معنى من اتنين. يا اما عمل عملا توكيد. قمة الجهد. يعني هو - [00:31:44](#)

كان بطل في المعصية احيانا تلاقي شباب وبنات كانوا في المعاصي ابطال لما يلتزموا قمت لهم خيبة. لأ ده بقى زي ما كان بطل في المعصية بقى بطل في الطاعة - [00:32:04](#)

بقى بقيتي بطل في الطاعة. المفروض يا اخوانا شوفوا علو همة الشباب في المعصية قبل الالتزام شكلها ايه؟ المفروض يا ابني لما تدخل الالتزام ما بتدخلش تايه واعمل ايه واروح فين؟ يا ابني انطلق زي ما كنت منطلق ايام المعصية. انطلق ليه؟ لان مين اللي بياخده اولئك يبذل الله سيئاتهم حسنات؟ اللي يبذل هو اللي بيتبدله - [00:32:14](#)

اللي ببذل المعاصي لطاعات هو اللي بيتبدل له السيئات. لحسنات. يبقى عمل عملا صالحا اشتغل شغل يعني اجتهد اجتهد شديد. وممكن عمل عملا واحد بس. يعني معناها ايه معناها ركز معناها ركزي معناها انت مش هتقدر تجيب كل شعب الايمان ركز في عمل اللي يدخلك الجنة ركزي في عمل يرضي ربنا عنك ركز - [00:32:34](#)

في عمل ربنا يقبلك بسببه. يا ترى بقى انا لو سألتكم كلكم بقى واحد واحد واحدة واحدة دلوقتي. ايه العمل اللي انت مركزة عليه؟ انه ربنا يحبك بسبب ايه العمل اللي انت منشئ ان ربنا ينجيك من عذاب القبر بسببه؟ ايه العمل اللي انت منشئاه انه يعديك من على الصراط؟ ايه العمل اللي انت منشئ انك انت - [00:32:58](#)

الله به في العرض على الله. ايه العمل اللي انت عامله حجاب بينك وبين النار؟ ايه العمل اللي انت منشئ انك تبقى مع النبي عليه الصلاة والسلام في الجنة بسببه؟ يا جماعة ايه؟ وعمل عملا - [00:33:18](#)

اعمل حاجة واحدة بس اعملها صح. وعامل عملا صالحا. عمل يصلح لان يجعله يجاور النبي عليه الصلاة والسلام في الفردوس الاعلى. عمل صالح بقى ايه العمل اللي انت مركز فيه؟ يا جماعة الملتزمين محبطين على طول ليه؟ ومكتئبين على طول. وانا حاسة ان انا ضايع. وانا حاسس ان انا وحش. ليه؟ لانهم عايزين كل حاجة. عندهم طمع في الدين - [00:33:28](#)

لأ النبي عليه الصلاة والسلام يقول لك اللهم اني أسألك حبك وحب من يحبك وحب عمل يقربني الى حبك. عمل واحد بس يا رب. بس يخليني احبك عمل واحد بس فوز فيه بحبك. يبقى اذا ده التربية العقلية. ان الملتزم يبقى عاقل وعمل عملا صالحا. فاولئك اولئك دين

يعني بعد ما عصوا عادوا بعد التوبة اعلى مما كانوا قبل المعصية. عادوا بعد التوبة اعلى مما كانوا قبل الايه؟ المعصية. يبقى القضية ان ممكن المعصية اللي انت وقعت فيها تبقى هي سبب وصولك الى الله. ازاى؟ تندمي تتوبى. تصلحي تبقي بعد المعصية احسن منك قبل الايه؟ تبقي بعد التوبة احسن منك قبل المعصية - 00:34:08

اولئك يبذل الله سيناتهم حسنات. وكان الله غفورا رحيمًا. يعني ايه؟ وكان الله يا جماعة؟ يعني ايه دي المعاملة؟ يعني ما فيش واحد هيقل عليه وهيلقي معاملة تانية. يعني ما فيش - 00:34:28
حد هيتوب يا بشر في الكون. ومش هيلقي المعاملة دي وكان الله غفورا رحيمًا. هو هو ده ربنا. كذلك الله هو ده ربنا يا جماعة مش ممكن هتقبلي عليهم مش هيقلبك. مش ممكن هترفع ايديك وتبكي بين ايديه وما يستجبش لك. مش ممكن. يا جماعة مش ممكن. يا اخواننا هذا - 00:34:38

هو الله وكان الله غفورا رحيمًا. مش ممكن هتتوب ومش هيتوب عليك. مش ممكن هتقف على بابه ومش هيفتح لك. بس اصبروا بس صبروا جماعة وشوفوا ربنا هيكرم اللي هيقل عليه ازاى. وكان الله غفورا رحيمًا. غفورا هي دي معاملة ربنا. وانت جاية تتوبى. رحيمًا هي دي معاملة ربنا - 00:34:58

بعد ما بتوب ازاى ما هو غفور غفر لك الذنوب. بس لو ربنا قال غفور بس هتبقى مشكلة. عارفين ليه؟ لان بعد الذنب ربنا تاب علي من من غض من اطلاق البصر. طب انا - 00:35:18

ارجع بص تاني. يبقى انا عايز بعد المغفرة رحمة. ربنا يهدي قلبي بها ان انا ما عدتش احب الذنب ده تاني. يبقى عشان كده الرحمة بتيجي بعد المغفرة. لان لو المغفرة بس طب ما انا - 00:35:28

في زنب تاني يا رب يبقى الرحمة ان يعصمك الله سبحانه وتعالى ويحميك ويحفزك. والرحمات انواع الرحمات كتير جدا. ومن تاب وعمل صالحا فانه يتوب الى الله ايه ده! انت عارفة انت بتوبي لمين؟ انت عارف انت بتتوب لمين؟ لربنا. للكريم. للي حبه مالي فطرتك. انت عارفة انت بتوبي لمين؟ ده - 00:35:38

ارحم الراحمين. والذين لا يشهدون الزور. واذا مروا باللغو مروا كراما. اه. ايه ده بقى يا جماعة؟ ايه الترابط الليلة؟ على فكرة ايات عباد الرحمن الترابط بتاعها رهيب! رهيب في الروعة يا جماعة! والذين لا يشهدون الزور واذا مروا باللغو مروا كراما. هو ايه اللي حصل؟ ان الناس دي لما وقعت فبعد ما - 00:35:58

وقعت وتابت فهمت هي بتؤتى منين؟ فبدأت تحصن كل المداخل. زي واحد مسلا آ نسى باب مورد في الفيلا بتاعته قام الحرامي داخل سارق فبعد كده اما اقفل كل الابواب بقى عارف يقفل الابواب. لا يشهدون الزور واذا مروا باللغو. عرفوا ان البداية بتبقى لغو. البداية بتبقى وقت ضايع وخلاص مع صحبة - 00:36:18

وخلاص. شوية وتبدأ المعاصي تدخل. شوية وتبدأ الصغائر تنادي على الكبائر. شوية وتبدأ الكبائر تنادي على بعضها. شوية والضياع ييجي. يبقى ايه ده يا جماعة انهم بعد ان تابوا لم يعودوا سذج. عرفوا الشيطان ضربهم منين. فكل ما الشيطان بيضربهم من حنة بيحصنوها. عرف ان الشيطان جابه من شهوة النساء - 00:36:38

خلاص بقى يبقى ما يقعدش يدخل لي بقى على البيوتوب ويبص الشريط اللي جنبى لأ بقى ياخذ بالله بقى. عرفت انها جت من شاب اتصل بها من المحمول خلاص اقلبي المحمول كله. غيري رقمك احرقى شريعتك. يبقى اللي عايز يتوب بجد يا جماعة بيعمل التحصين بعد التوبة. يبقى والذين لا يشهدون - 00:36:58

الزور الزور الحسن البصري قال اعياد الكفار. اعياد الكفار ليه؟ لان الشبهات خطافة. واحد يروح مهنهم في عيدهم مش عارف بايه؟ يروح يلقط شبهة تفضل طول حياته والعياذ بالله يموت وهو شاكك والعياذ بالله. يبقى اذا حافظوا على قلبهم بعد التوبة. واذا مروا باللغو مروا كراما. اه يبقى لا يشهدون الظلم - 00:37:18

ممكن تبقي الشبهات مروا باللغو الشهوات بقى مروا كرام يعني ايه كرامة؟ يعني عدى وهو نضيف ما تلوسش ما تلوسش بالمجتمع ما

تلوستش بطل غير ملتزمات. ما تلوسش بالشهوات اللي مالية المجتمع. دخلوا نضاف وخرجوا نضاف. زي سيدنا يوسف عليه الصلاة والسلام. دخل - [00:37:38](#)

في مصر ويا بيئة قصر الملك. خرج انضف ما يكون. بعد كده دخل افسد بيئة تانية وهي السجن. الحرامي الصغير بيدخل يطلع زعيم عصابة. خرج اطهر واطهر هو ده الانسان النضيف. المجتمع لا يلوته. يبقى لا يشهدون الزور وازا مروا بالله ومروا كرامة. ايه ترابطها مع اللي قبلها؟ من ترابطها يا جماعة ان هم بقوا به حصنوا أنفسهم - [00:37:58](#)

يا اخوانا مش ملتزم قاعد لي على انت ليل نهار وما عندوش برنامج آآ قفل للصور الاباحية ما ينفعش يا جماعة ده بينتحر ده بيضيع نفسه والعياذ بالله ده بيقول - [00:38:18](#)

نفسه مش واحد اللول عنده على صفحة الفيس. اصحابه قاعدين بيعتوا ففيه واحد بقى يعني والعياذ بالله على طول قعد بيعت حاجات وحشة او حاجات لافتا آآ ويفضل حاطه عنده ما يلغوش ما ينفعش يا جماعة. لازم يا اخوانا نخاف على قلوبنا. لازم نخاف على ديننا. اللي ما بيخافش على دينه مش هيقدر يوصل - [00:38:28](#)

ربنا يبقى الاية دي معناها ايه؟ ان الناس دي خايقة على دينها. خايقة على دينها. والذين اذا ذكروا بايات ربهم لم يخروا عليها صما وهم يداؤون اه ايه الترابط بقى اذا ذكروا مع الايات اللي قبلها؟ حديس خطير جدا النبي عليه الصلاة والسلام قال فيه ان المؤمن خلق واحد مفتنا بيتفتن وبيقع في المعاصي - [00:38:48](#)

بس توابا. اتنين مساء بس اذا ذكر ذكر. هم دول عباد الرحمن مفتنا اهو. من يفعل ذلك يبقى وقع في المعاصي اهو بس توابا الا من تاب. يبقى بيعصي بس بيتوب. نساء اهو نسي اهو. او نسيا في رواية تانية. ولكن والذين - [00:39:08](#)

اذا ذكروا بايات ربهم اذا ذكر ذكر اول ما يحضر درس او يسمع شريط او اخ من الاخوة يتصل به او اخت من الاخوات تتصل بها يقوم ينتفض الايمان في قلبه ويقوم تاني. يبقى - [00:39:28](#)

يا جماعة الايات جمعت صفات المؤمن. ان هو ممكن يغفل شوية ولكن لازم بيرجع يفتكر. طيب اذا ذكروا دي معناها ايه؟ معناها انهم بيغفلوا زي بالزبط الايات اللي قبلها معناها انهم ممكن يعصوا يا جماعة ولكن بيقوموا. بيقوموا ما يبحطوش. وبعد ما بيقوموا بيحسمن ما بيدلعوش. مش يبجي يقول له يا شيخ مش - [00:39:38](#)

مش عارف اسيب العادة السرية. طب تعال يا حبيبي. سبت المواقع الفلانية؟ لأ. سبت الوقفة في ساعة الجامعة؟ لأ. سبت نزلة الخميس قدام النوادي؟ لأ. طب انت هتسيبها ازاى كيف ستتركها وانت حاطط نفسك وسط النار؟ يبقى انت اللي ما بتحسنش نفسك. يبقى انت اللي ما بتحسنيش نفسك. وجاية بتبكي بالمعصية اللي انت بتقعي فيها. والذين - [00:39:58](#)

اذا ذكروا بايات ربهم لم يخروا علي صما وعميانا آآ آآ يعني معناه آآ يعني المجتمع مليان ناس لما بتذكر ما بتسمعش هو فعلا ده اللي احنا بنشوفه في الجولات يا جماعة. احنا بتتكلم في الجولة مئات الشباب. ان لم يكن الاف الشباب. اللي يبجي معنا الجامع منهم كم؟ عشرات. عشرات - [00:40:18](#)

يا اخوانا ياه ناس كتير قوي بيخروا صما وعميانا لما بيزكروا بايات الله. سبحانه وتعالى يعني اذا ذكروا بايات الله. اول حاجة يعني مش عامل نفسه شيخ ما حدش يوعزني ما حدش يذكركني كاسر نفسه انك تفضلي طالبة حتى النهاية. انك تفضل طالب حتى النهاية مهما اشتغلت - [00:40:38](#)

دخلت في الدعوة مهما عليت مهما كبرت حتى لو بقى اسمك الشيخ فلان. حتى لو بقى اسمك الداعية الى الله فلانة. تفضلي مكسورة لربنا. اذا ذكروا وتفضل تسمع النصيحة. يبقى ما هوش عامل نفسه شيخ. تاني حاجة اذا ذكروا بايات ربهم يبقى ما هوش مصاحب الحقيقة. يعني ايه؟ مصاحب الناس اللي بتذكره. مصاحبة الاخوات اللي بيزكروه - [00:40:58](#)

يبقى الصحة نفسها صمام امان. صمام امان. الصحة نفسها بفضل ومنة الله سبحانه وتعالى. صحة تذكرة بالعمل الصالح. اول ما الواحد يبجي يكسب ايه انت هتنام ولا ايه! والذين اذا ذكروا بايات ربهم - [00:41:18](#)

اه تالت حاجة ان هم حاطين أنفسهم في بيت الامام. هو يعني ايه اذا ذكروا حضروا درس فافتكروا. يعني حاطين أنفسهم في بيت

ايمان يا جماعة. يبقى اوعى تفصلي عن بيت الايمان نفر - [00:41:33](#)

ما وصلوش ما استغنوش مهما اشتغلوا في الدين او انشغلوا في الدنيا ما فصلوش عن بقية الايمان. عشان كده دايمًا بيفتكروا ودايمًا ارجعوا مهما غفلوا. اوعى اوعى تسيبه بيئة الايمان يا جماعة. اوعوا تتنازلوا عن الارتباط بالصحة الصالحة. قتل جاهدوا لحد ما ربنا يرزقكم بيئة ايمان - [00:41:43](#)

في كليتكم صاحبوا الملتزمين. احد اخواني كان بيقول لك كلمة جميلة قوي. كان بيقول لي انا كل مكان باروحي لازم اعمل فيه بقية ايمان. اتنقل شغل بلد تانية. اسكن في - [00:42:03](#)

مكان لازم ادور على صحة سالحة مجتهدة ناشطة واصاحبها وياا نعمل جلسة اسبوعية. يلا نعمل ورشة اسبوعية ويبدأ ينطلق في الطريق الى الله سبحانه وتعالى. وياا نشجع بعض يلا نصلي مع بعض ونقوم مع بعض. نعمل جدول عمارة مع بعض نحضر دروس مع بعض. انسان حريص على دينه. والذين يقولون ربنا هب لنا من ازواجنا وذرياتنا قرة اعين - [00:42:13](#)

وجعلنا للمتقين اماما. ايه الترابط الخطير اللي بين الاية دي وبعضها؟ واللي بين الاية دي والايات اللي قبلها. اول حاجة هب لنا من ازواجنا وذرياتنا قرة اعين اهم اسرته هم اسرته واجعلنا للمتقين اماما هم امته. يبقى شايل هم اسرته وشايل هم امته. واللاتين هم الغير. طب ايه الرابط بينها وبين الله - [00:42:33](#)

قبلها ان اللي قبلها كلها انه شايل هم دينه هو. شايل هم نفسه. يبقى عباد الرحمن الصالحين مش بس شايل هم نفسه ورامي الامة.

شايل هم نفسه وشايل مسئولية من حوله - [00:42:55](#)

شال مسؤولية ولاده شايل مسؤولية آآ مراته شايل شائلة مسئولية جوزها وولادها شايل مسئولية الامة شائلة مسئولية الناس. يبقى اذا مش همه بس هم بنفسه ده شايل هم الامة كمان. طيب جميل جدا - [00:43:05](#)

طب ليه زكر هم نفسه قبل هم الامة؟ لانك انت لو ما ارتقتش هتدي للامة ايه؟ ها يا رب الامة ضايعة. طب وانت هتعملي لها ايه؟

اطلبي علمي يا بنتي. احفظي القرآن يا بنتي - [00:43:18](#)

احضري دروس يا بنتي رح يا ابني اتعلم الدعوة الى الله. حتى يا ابني لو هتخرج مع التبليغ ثلاث ايام تتعلم فيهم الدعوة الى الله. يا جماعة اتأهلوا لانك لما تهتم بنفسك اكبر مصلحة للدعوة انك انت تتبني. عشان بكرة تفيد عشان تلاقي اللي تديه. بكرة للناس انتم

سقف - [00:43:28](#)

دعوة لو انتم عليكم كل الشباب اللي جاي الجديد هيعلى. يبقى اذا هم النفس وبعد كده هم الاخرين. طيب ربنا هب لنا من ازواجنا وذريات ليه الزواج قبل الزرية؟ لانك لو اهتمت بمراتك هي هتربي ولادك. يبقى انت لو عايز تصلح بيتك اهتم بدين مراتك. مراتك لما

همتها تعلقو ودينها يعلو هي - [00:43:48](#)

بولادك. هب لنا من ازواجنا وذرياتنا برضو تطوير الجمع. يبقى انا شايل هم مرات اخويا. مش شايل هم مراتي بس. يبقى احنا شايلين هم اسرنا كلنا شايلين هم ولادنا كلنا. ندخل في دم بعض. ان احنا نعمل بيئات ايمان لزواجنا. نعمل بيئات ايمان للنساء. نعمل بيئات

ايمان للاطفال. يبقى هو ده - [00:44:08](#)

جماعة هو ده الدين. احنا عاملين ورشة في درس الجماعة الشباب بتاع الجمعة وورشة للاطفال فوق الولاد. وورشة للبنات تحت

وورشة بفضل ومنة يعني ان احنا نهتم بدين زوجاتنا ودايمًا اولادنا هب لنا من ازواجنا وذرياتنا قرة اعين. قرة اعين دي بيسموها

مزاج الانبياء. ايه مزاج الانبياء؟ انه لا تقر عينه الا بالدين - [00:44:28](#)

هل هو مش قضيته ان ابني يطلع دكتور وابنه الثاني يطلع مهندس؟ مش قضيته ان مراتي تبقى جميلة وبين الناس كده افتخر انه لا

لا لا هو لا تقر عينه الا بانهم يبقوا متدينين صالحين - [00:44:48](#)

فده اسمه مزاج الانبياء. مزاج النبوة. يبقى ده انسان بقى عنده مزاج النبوة. عشان كده دول بيبقوا مع الانبياء في الآخرة. وجعلنا

للمتقين اماما. طب ليه كم الاسرة قبل هم الامة في الاية؟ لان الامة لم تنصلح الا لو انصلحت الاسرة. لما انا اهتم بمراتي وولادي

واشجع اخواني كلهم يهتموا بمراتهم وولادهم امام - [00:44:58](#)

رحلة اسرية انا باخذ اخواني. وبنطلع رحلة اسرية يا جماعة نقعد يوم مسلا او يومين. كل واحد ومراته وولاده لا تتخلوا الجو بيبقى شكله ايه. وشقة من الشقق بقى الزوجات يقعدوا مع بعض - [00:45:18](#)

فيها. واحنا بقى نقعد مع بعض بتبقى والاولاد نحاول نعمل لهم حاجة. بتبقى تحفة يا جماعة. بيبقى جو رائع. جو رائع ان بيبقى الاسر لو صلت الامة هتتصلح. عشان كده عارفين اكثر حاجة مبهرة. فهب لنا من ازواجنا وذريتنا ايه ؟ الكلمة اللي قتلها لكم في الاول.

النموذج ان يمشون على الارض الناس دي بقت نموذج - [00:45:28](#)

ملتزم صح. ملتزمة صح. النور في وجوههم والعزم في جوارحهم. والفهم في عقولهم. لما بيتحركوا وسط المجتمع بيقهروا المجتمع عارفين امتى هنجيب المجتمع ده لاس اكتاف؟ والكل هيجري وانا؟ لما زوجاتنا كل الستات يبصوا لهم يلاقينهم سعداء. لما ولادنا كل

الناس يبصوا لهم يلاقينهم انجح - [00:45:48](#)

انجح اولاد في الدين في الادب في البر في الاخلاق. في الصلاة في حفز القرآن ساعتها المجتمع كله في النظام في العزيمة الاخلاق في السقافة ساعتها المجتمع كله يقول الناس دي هي اللي صح. ان احنا نستسمر في زوجاتنا واولادنا هنبهر المجتمع كله في خلال

اربع سنين بس. اربع سنين - [00:46:08](#)

لو اهتمينا باسرننا. اربع سنين هنزله المجتمع كله بالسمره اللي طلعت في زوجاتنا وولادنا. ربنا هب لنا من ازواجنا وزر اتنا قرة اعين واجعلنا للمتقين اماما. بيبقى هم الامة برضو. طب يعني ايه جعلنا للمتقين؟ طب ليه مش جعلنا للامة امامة؟ لان الناس دي -

[00:46:28](#)

فاهمة ان عمر كل الناس ما هيتوب لربنا. فما بيحرقوش قلبهم ان لازم المجتمع كله يتوب. يعني ليس من الدين يا جماعة ان انا اعيش قلب محروق ان انا اعيش لأ يا جماعة احنا ما انزلنا عليك القرآن لتشقى. احنا بنموت نفسنا في الدعوة. ولكن ما بنحرقش قلبنا على

قلة السمرة بعدها. فاهمة؟ ناس عقلانيين - [00:46:48](#)

جعلنا للمتقين طب هب لنا اجعلنا هم فاهمين ان كل ده هبة من الله. كل ده عطاءات من الله. يا اخوانا مش بالدراع يا اخوانا بالافتقار الى الله. يا اخوانا - [00:47:08](#)

كلمة يا رب بكلمة يا رب بالتوسل الى الله ربنا اصرف عنا عذاب جهنم ربنا هب لنا من ازواجنا وزرياتنا واجعلنا للمتقين اماما بيبقى كل ده بالايه؟ بالدعاء والافتقار الى الله. عشان كده في النهاية قل ما يعبأ بكم ربي - [00:47:18](#)

اولى ايه؟ لولا دعاؤكم لولا دعاؤكم اي وزن لكم عند الله لولا كلمة يا رب لولا التوسل الى الله سبحانه وتعالى. وجعلنا للمتقين اماما قلنا ليه اماما فش اه دعاة لان الداعية هو الذي يعلم الناس الدين بالاقوال اما الامام فهو الذي يعلم الدين بالافعال. الدعاة الميدانيين بقى

المربين الميدانيين - [00:47:35](#)

هي دي يا اخوانا اللي ناقصة الامة. هي دي اللي ناقصة الامة ان الدعاء يبقوا قدوة. التيار الاسلامي ازمته ازمة قدوة وقيادة يرضى القيادات انها تمارس القيادة. انها تقوم بامانة القيادة ومسؤولية القيادة. يبقوا مسئولين عن كل ملتزم كأنه ضناهم بالزبط. وازمة اه -

[00:47:55](#)

قدوة يعني ايه قدوة؟ ان العمل الصالح بتاع الدعاء ما يستخباش عن الناس. انت بتخبي عني عملك الصالح ليه يا عم رح زور المرضى قدامي. وزور الملاجئ قدامي. واكفوا لاسر قدامي. وانزل جولات قدامي. بتخبي عني عملك الصالح ليه؟ واعمل مسجد -

[00:48:17](#)

تربي فيه الاخوة بتوع منطقتك. اه قبل ما تنطلق للدنيا لازم يكون الخير بتاعك في منطقتك وفي مكانك. يا اخوانا لازم نمشي بدين صح زي ما النبي الدين في مكة قام على اربع اركان. الركن الاولاني التربية الخاصة. النبي ربي رجاله. الركن الثاني الدعوة الميدانية.

النبي نازل للناس في الشوارع - [00:48:34](#)

الركن عليه الصلاة والسلام الركن الثالث التواصل والاخوة النبي ربط ما بين الصحابة وبعض وصحابيته وبعض. الركن الرابع كلمة الحق في وجه الظالمين دي الاربع اركان اللي قام عليها الدين. وجعلنا للمتقين اماما اولئك العاليين قوي دول. يجزون الغرفة. الغرفة

اعلى الفردوس الاعلى - 00:48:54

الغرفة دي قصور من ياقوت ومرجان وزبرجد ولؤلؤ الغرف دي يا جماعة. يعني تحف الجنة. ده الجاليري بتاع الجنة غرف الفردوس الاعلى دي ممكن نسميها جاليري الجنة. الحاجات المزهلة في الجمال والروعة والابداع والاعجاز. اولئك يجزون - 00:49:14

غرفة بما صبروا. صبرت على ايه عشان انت تاخدي نعم الجنة؟ صبرت عليه بما صبروا. استحملت ايه؟ استحملت ازي من الناس ايه؟ استحملت تريقة من الناس ايه؟ استحملت في الدعوة وفي العبادة ايه؟ صبرنا على ايه يا جماعة؟ الصبر هو الحبس. حبسنا نفسنا على العبادة قد ايه؟ حبست نفسك على ورد يومي في العبادة كل يوم تعبدي ربنا - 00:49:34

ولا لا؟ ويلقون فيها تحية وسلاما يلقون من اول لحزة. هذا اللقاء من اول لحظة تحية وسلامة قمة الاكرام. خالدين فيها حسنت مستقرة يعني ايه مستقرا الاستقرار بقى ان فيه اماكن في الجنة دي دائمة بقى ده القصر بتاعي. وفيه اماكن للاقامة بقى ايه؟ اللي زي ما قلنا الفندق هنا ثلاث ايام - 00:49:54

منتجعات سياحية واماكن ترفيهية في الجنة. يبقى انت لك قصر بس بتروحي بقى شوية في الشاليه ده وشوية في اليخت ده. وشوية في الجنة دي وشوية يعني القطب المتعة وقمة التجديد وقمة التجديد في وسائل النعيم قل في النهاية بقى بعد النموذج الريب ده ما نزل للدنيا بعد النموذج الريب ده - 00:50:14

في سورة الفرقان ما نزل الارض بعد ما الدين اتحول من قرآن يتلى الى قرآن يمشي على الارض. ما هو سورة الفرقان اتكلمت عن قرآنيين. القرآن الاول تبارك الذي نزل الفرقان على عبده. القرآن الذي يتلى. والقرآن الثاني وعباد الرحمن الذين يمشون على الارض. القرآن الذي يمشي على الارض. ان ملتزمين - 00:50:34

بقوا نموذج عملي ببهروا كل اللي بيقابلهم. عيال حلوة متكحطة فاهمة عاقلة مجتهدة عابدة داعية. قارية قفى مترابطة متأخية. ساعتها نهر العالم. اسرها قوية متينة البناء الاجتماعي في الاسر مربية ولادها. شيء - 00:50:54

ده هم امته يا رب امته يا رب الجيل ده هيطلع يا رب؟ امته يا رب ملتزمين والملتزمات دول هيطلعوا يا رب؟ امته يا رب هنبقى ملتزمين اصحاب حب رسالة يا رب. انت يا رب ملتزمين هينتقلوا من الهاء وتضييع العمر وتضييع الوقت. لانهم يبقوا اصحاب رسالة ويبقوا ماشيين - 00:51:14

منهجية منهجية يبقوا ماشيين مع مربين وماشيين مع معلمين وماشيين مع طلبة علم بيدوهم. بيتبنم يا رب وبيحفزوا القرآن وبيكونوا اسر سليمة. اسر متدينة. الجواز ما بيشغلهاش عن الدين. الخلف ما بيشغلهاش عن عبادتها. امته يا رب؟ امته يا رب هيطلع ملتزم الليلة - 00:51:34

يمكن يبيع دينه عشان عقد عمل ولا عشان شوية مرتب اغلى يبيع بيئة الايمان في المكان اللي هو فيه. امته يا رب هيطلع ملتزمين اللي الدعوة مختلطة طب دهم ولحمهم. امته يا رب هيطلع الاخوة للتربية اغلى حلم عندهم في حياتهم. واما من جاءك يسعى وهو يخشى. امته يا رب هيطلع ملتزم - 00:51:54

فلا اقتحم العقبة. انت يا رب هيطلع ملتزم بتاع ولا يخاف عقباها. امته يا رب هيطلع ملتزم بدعوة في ذلك فليتنافس المتنافسون؟ امته يا رب اطلع ملتزم بتاعي يا ايها النفس مطمئنة. امته يا رب هيطلع ملتزم بتاع الا الذين امنوا وعملوا الصالحات وتواصوا بالحق وتواصوا بالصبر. امته يا رب - 00:52:14

امته يا رب هيطلع النموذج العالي ده امته يا رب هيطلع الاخوة اللي عايزين يتربوا وعايزين يدعوا الى الله وفي نفس الوقت عاقلين مش معقدين مش معنتين مش محبطين مش يائسين مترابطين متآخيين متحابين مرتبطين بيحضروا الدروس لآخر يوم في حياتهم وفاهمين ان - 00:52:34

الشحنية اللي هتجدد الايمان في قلوبهم. ببحرصوا على ان هم يطلعوا العمرة بعد العمرة ولو هيحوشوا من قوتهم. ببحرصوا ان رمضان وعشر ذي الحجة ومواسم العبادة بروحهم اللي بيفضلوا يجهزوا من قبلها بشهور لها. عشان المواسم دي هي القفزات اللي في علاقتهم بربنا. امته يا رب هيطلع ملتزمين؟ كل واحد منهم وكل واحدة منهم - 00:52:55

عنده ورد عبادة يومي مقدس لا يمكن ان يتنازل عنه. امتى يا رب هيطلع ملتزمين مؤمنين ببيئة الايمان؟ امتى يا رب الملتزمين؟ اللي في كل قرية وفي كل كلية وفي كل مكان يترايطم ويبقوا ورشة واحدة ويبقوا اسرة واحدة ويبقوا فريق واحد. امتى يا رب هيطلع الملتزمين اللي نفوسهم صافية؟ ما يحقدوش على بعض - [00:53:15](#)

ما تغفروش من بعض عشان ده قائد على ده او ده اعلى من ده يسلموا لبعض يلينوا لبعض لينوا في ايدي اخوانكم. امتى يا رب؟ امتى يا رب هيطلع الدعاء اللي عايشين وسط الاخوة وعايشين للاخوة وعايشين عمرهم مش عايشين يجروا من بلد لبلد زي اللي معه شوية قمح قاعد بيدر من بلد لبلد وعمال قمح - [00:53:35](#)

ينبت يكون راح بلد تانية يموت النبح القمح اللي نبت. امتى هيطلع يا رب الدعاء؟ اللي كل داعية قبل ما بينطلق للدنيا بيأسس الاول اخوة متربية في بتاعته اللي هو عايش فيها. في البلد بتاعته اللي هو عايش فيها. ساعتها الدين هينتشر في الارض. امتى يا رب؟ امتى يا رب هيطلع طلبة علم عايشين وسط الناس يعلموهم - [00:53:55](#)

مش قاعدين في بيوتهم مستنيين الناس تيجي لهم وخلاص. زي قاتل المنة. خبط على باب العالم العالم قال له لك توبة. طب وانت ما خرجتش تقول لي ان لك توبة ليه - [00:54:15](#)

سبتني اجي لك في اخر يوم في عمري ليه؟ سبتني ما خرجتش تكلم اللي زبي ليه؟ امتى يا رب هيطلع الملتزمات اللي دينهم قوي؟ ما يتفتنوش عن الدين وتقول لك هعمل ايه بيتي وولادي ماشي يا ستي قد جعل الله لكل شيه قدرا. ما عندكيش ساعة لربنا. امتى يا رب؟ امتى الاحلام دي هتتحقق؟ امتى - [00:54:25](#)

الصف ده امتى هنبقى ده؟ امتى هنبقى الروح دي؟ قل ما يعبا بكم ربي لولا دعاؤكم. لولا عبادتكم كل التوصل الى الله ولولا التضرع الى الله. فقد كذبتهم فسوف يكون لازما. احلام الواحد بيحلم بها وعايش عشانها - [00:54:45](#)

ويعلم الله سبحانه وتعالى ان انا ما ليش حلم في حياتي. غير ان يطلع الصف. اللي انا كلمتكم عن احلامي فيه في الدقايق اللي فاتت دي قد وفق وقد لا نوفق ولكن لا نملك الا الدعاء. ولا نملك الا المجاهدة. ولا نملك الا الاستمرار. النهاردة بدأنا نطبق فكرة - [00:55:05](#) التربوية ان احنا يا جماعة نقعد مع جلسة قرآنية. جلسة قرآنية حتى لو ما فيش حد جه من اللي احنا دعيناهم. احنا نقعد احنا نعيش مع القرآن يا شباب نعيش مع القرآن ونبدأ نستعد قلبيا للقرآن. قم الوقتي وقم الوقتي. كل واحد منكم يمسك المصحف يفتح ايات عباد الرحمن في سورة الفرقان. لو عايز يصلي - [00:55:25](#)

الفرقان كلها او يصلي بايات عباد الرحمن. صل بقى بايات عباد الرحمن وعش بقى مع كل اية وافتكرك الكلام اللي انا قلته في الترابط الموضوعي في الايات من اول كلمة لآخر كلمة - [00:55:45](#)

عايزين نعيش مع الناس اللي عبدوا ربنا فربنا غمرهم برحماته. عباد الرحمن. عبده فغمروا بالرحمات. عايزين نعيش مع الايات العظيمة دي يمكن يبقى النموذج ده. يمكن تبقي انت دي. يمكن يبقى انت ده. يمكن ربنا يقبلنا في عباد الرحمن ويمن علينا برحماته. فيفتح علينا - [00:55:55](#)

اللي فتح عليهم به في دينهم ودنياهم واخرتهم. ربنا يسددكم يا اخواني. ربنا يبارك فيكم. والى اللقاء في موعدنا الاسبوع القادم العاشرة مساء باذن الله سبحانه وتعالى. نسأل الله سبحانه وتعالى ان يسددنا وان يوفقنا وان يستعملنا ولا يستبدل بنا. سبحانه اللهم وبحمدك اشهد ان لا - [00:56:15](#)

استغفرك واتوب اليك - [00:56:35](#)